

Protocol radunanza generela 2016

Venderdi, 15 avrigl 2016

Implaunt da tir Suotarivas, Zuoz



1. Salüd

Marco Crameri salüda a tuot ils commembers ed evra la radunanza generela 2016 a las uras 20⁰⁰.

La glista da tractandas es gnida tramissa a temp ütil. Ella vegn acceptada.

Preschaints: 10 commembers

S-chüsos: Florio Tognoni, Jürg Sprecher, Gian Carlo Rüegg, Giachem Schucan, Gian Peider Lony e Peider Gotsch

2. Tscherna da scrutinadurs

Pervi da pochs preschaints nu vegnan tschernieu üngüns scrutinadurs.

3. Protocol da la radunanza generela 2015

Il protocol da la radunanza generela 2015 vegn accepto unanimamaing.

4. Rapport annuel dal president

Nossa stagiun ho cumanzo cun metter ad ir l'implaunt da tir. Ün pêr dis zieva vains gieu nossa radunanza generela.

La stagiun passada vains trat divers püts interns:

Al tir obligatoric haun piglio part 44 tregants. Il meglder resultat haun trat Mario Feuerstein e Gian Carlo Rüegg cun 84 puncts.

Il tir champester ho gieu lö a San Murezzan. Lo haun piglio part 14 commembers da nossa societad. Nos meglder tregant d'eira Marco Crameri chi ho raggiunt la 2. piazza dal circul cun ün resultat da 71 puncts.

Al püt champester (Feldstich) haun piglio part 12 tregants. Eir cò d'eira Marco Crameri il meglder cun 69 puncts.

Il püt dal district haun trat 10 tregants. Il pü ot resultat haun trat Mario Feuerstein, Marco Crameri e Daniel Steger cun 95 puncts.

Il püt Grischunais (11 participants) es gnieu guadagno cun 58 puncts da Remo Casty. Daniel Steger ho raggiunt il listess resultat.

La maestraunza Svizra da secziuns haun trat 10 tregants. Eir cò vains duos tregants cul listess resultat: Jolanda Jäger e Daniel Steger cun 94 puncts.

Impü sun gnies mnos tres nos tirs interns scu la Pardunaunza e'l tir d'amicizcha cun S-chanf. Il püt tradiziunel da la Pardunaunza ho guadagno Remo Casty e'l püt premi Gion

Angelini. La concorrenza dal püt craunz ho guadagno Mario Feuerstein. Tals giuvenils ho guadagno Nando Feuerstein.

Il Cup Waldhaus haun trat Daniel Steger, Remo Casty e Mario Feuerstein. Els sun rivos fin aint il 8. finel, ma lo d'eira per tuots trais afin.

Da l'inscunter cun Puntraschigna nu's stu pü manzuner, cha Puntraschina ho darcho guadagno. Almain d'eira Daniel Steger il meglider tregant da 300m.

Natürelmaing vains piglio part al tir Federel giò'l Vallais. Cumbain cha vaivans adüna d'esser preschaints tar las schaibgias vains gieu fich bel e vains giodieu la cumpagnia. Eir tar quist tir sun gniesu trats buns e main buns resultats (bell'ora e chalurs fins 30 gros). La societad ho raggiunt illa concorrenza da secziuns illa 3. categoria la 183^{evla} piazza da 552 societads.

Da numner auncha la 7^{evla} piazza da Mario Feuerstein aint il püt "Asperli Raron" cun il maximum da 60 puncts, bravo Mario! Gian Carlo Rüegg ho raggiunt l'81^{evla} piazza aint illa maestraunza da 2 pusiziuns cun 515 puncts. Gian Reto Sonder ho raggiunt la 67^{evla} piazza aint il püt remuneraziun (Nachdoppel) cun ün resultat da 1457 puncts. Daniel Steger raggiundscha cun 59 puncts la 90^{evla} piazza aint il püt dal craunz. Marco Crameri raggiundscha cun 125 puncts aint il püt "13 stailas" la 23^{evla} piazza e cun ün resultat da 1463 puncts la 29^{evla} piazza aint il püt remuneraziun. Impü po'l piglier part al finel da la concorrenza "Vendscheder dal tir federel" inua ch'el raggiundscha la 42^{evla} piazza.

Il finel da maestraunzas dal circol ho Mario Feuerstein guadagno illa categoria sport da 2 pusiziuns. In buttatsch haun Daniel Steger e Mario Feuerstein raggiunt la 2. e 3. piazza. Gian Carlo Rüegg e Marco Crameri haun raggiunt illa categoria ordonnanza in buttatsch la 1. e 2. piazza ed aint illa competiziun in 2 pusiziuns haun Carlo e Marco raggiunt la 2. e 3. piazza.

Al tir "Utschè mezmür" (Fledermaus-Schiessen) d'eiran 7 tregants. La gruppa ho raggiunt la 19^{evla} piazza da 50 gruppas. Marco Crameri ho pudieu festager la 3. piazza, da 336 tregants, aint il tir singul cun 77 puncts.

Glivro nossa stagiun da tir vains scu adüna in buna cumpagnia e cun üna buna tschaina e scumpartiziuns da premis. Quista vouta tar Michael aint il Allegra a Zuoz. Il program annuel 2015 ho guadagno Marco Crameri. Seguond es gnieu Mario Feuerstein e terz Daniel Steger.

Eau vuless ingrazcher a mieus camerads da la suprastanza ed a Peider Gotsch per lur agüd. Grazcha per tuot!

Marco Crameri

Il rapport annuel dal president vegn accepto cun applaus.

5. Rapport dal chaschier e dals revisurs da quint

Mario Feuerstein declera il rendaint 2015. Il quint serra cun ün guadagn da frs. 1'466.80. L'egen chapitël da la societad importa ils 31.12.15 frs. 45'503.75.

Ils revisurs Jolanda Jäger e Gian Reto Sonder haun repasso il rendaint e propuonan a la radunanza generala d'accepter il rendaint 2015 e da der dis-charg als organs responsabels.

Sün proposta dals revisurs acceptan ils preschaints il rendaint 2015 e daun dis-charg als organs responsabels.

6. Contribuziun annuala e predschi munizii 2017

Seguintas predschi 2017 vegnan proponius ed approvus unanimamaing:

contribuziun annuala	frs.	25.00
giuvens tregants, giuvens e seniorveterans	frs.	00.00
licenzia	frs.	25.00
munizii	frs.	00.50 tun
munizii giuvens tregants	frs.	00.40 tun

7. Program annuel 2016

Il Waldhaus Cup ho lö ils 14 meg e na scu sül program ils 7 meg.

Eir quist an tira la societad da tregants S-chanf a Zuoz. Adüna il marculdi saira a partir da las uras 18³⁰. Eir nus pudains ir a trer quella saira.

Per plaschair guardar da tegner aint ils termins dals püts e bütter aint ils fögls impieus our cumplettaing a temp ütil (almain nom e suottascripziun).

Ils fögls da püts cha nu's vuol trer as po già uossa bütter aint illa chaschella.

Tir champester

Il tir champester ho lö quist an a Zuoz. La tenda stu auncha gnir montada. Agüdaunts per l'ustaria ed aint il implantaunt sun auncha d'organiser.

Tir obligatoric

L'obligatoric vegn trat i'l ram scu l'an passo. Ils maistertregants paun guardar sün nossa pagina d'internet ün film informativ cha Peider ho chargio sü.

KK Stich (püt dal circol)

Cuosts: frs. 15.00.

S-cheppas

Cuosts: frs. 10.00.

Engiadina

Cuosts: frs. 5.00 per passa

Püt Grischunais

Cuosts prüma passa: frs. 15.00

Cuosts segunda passa: frs. 10.00

Feldstich (püt da champagna)

Cuosts: frs. 19.00 per il püt principel e la segunda passa (inclusa). Il resultat pü ot quinta.

Match d'amicizcha Engiadina - S-chanf

Scu l'an passo vulains fer darcho üna concorrenza da tir culs tregants da S-chanf. Quella ho lö in venderdi, 19 avuost cun üna tschaina cumünaivla zieva il tir.

Match Puntraschina - Engiadina

In mardi, 23 avuost ho lö il match cunter Puntraschina a Zuoz. In seguit la rangaziun cun tschaina. Sperains cha rivains darcho da guadagner quist tir.

Secziun

Per gnir rangos stuvains esser 10 tregantAs! A füss bel, scha bgers commembers licenzchos pudessan trer quist püt. Il püt cuosta frs. 18.00. La societad peja frs. 14.00 vi dal püt.

Bezirksmatch (match circuitel)

Minchün ho la pussibilted da trer il match in vainter ed in schnuoglias (2-Stellungs-Match) u be in vainter (Liegendmatch).

Interessos dessan s'annunzcher tar Mario. Il match cuosta frs. 18.00 per categoria.

Cuors da giuvens tregants

Il cuors vegn darcho mno tres dad Ernst Parli a Zuoz.

Tir dal Chalavaina

Nouv vegn trat il tir be pü a Müstair ed a Tavo (na pü a Samedan). Il tir vegn mno tres minch'an. La suprastanza es da l'avis da sustgnair quist tir istoric. A füss pcho, scha quist tir nu gniss pü mno tres.

Annunzchos: Munki, Mario, Dani, Bruno e Marco. Provisoric: Marina.

Tir chantunel Tessinai

L'hotel es già reservo. Annunzcho s'haun: Peter Plebani, Remo Casty, Mario Feuerstein, Marco Cramer, Gian Peider Lony, Bruno Brasi, Jürg Sprecher e Martina Camichel.

Our da la discussiun vegn decis dad ir cun autos privats.

8. Pardunanza

La Pardunaunza ho lö ils 16 lügl, il program resta listess scu l'an passo. Scu algord ed info vegnan manzuno il dis ufficiels dal tir tradiziunel Pardunaunza:

1. Pardunaunza: la 3. dumengia da lügl (S-chanf)
2. Pardunaunza: la 2. dumengia d'avuost (Zuoz)
3. Pardunaunza: la 1. dumengia da settember (La Punt)

9. Tschernas

Tal president nu sun entredas üngünas desdittas. Tuot la suprastanza vegn reeletta in globo. Causa maungel da temp voul Marco metter a dispusiziun per l'an chi vegn il post da presidi. Interessos dessan s'annunzcher tar Marco.

Ün preschaint s'infurmescha, scu cha'l turnus da las tschernas saja tenor ils statüts. Marco sclarischa quista dumanda.

10. Onurificaziuns

Peider Gotsch survegn la segunda medaglia da la maestranza da champagna.

11. Varia

Mneders dal restorant

Las duonnas chi haun organisò l'an passò las tschainas sun prontas da fer eir quist an quist servezzan straordinari. Grazcha fichun !!!

Postaziun da muniziun a partir dal 2016

Nouv a partir da quist an as po puster maximel 12 chartuns GP 11 per stagiun.

Matchcup e maestraunza decentraliseda

Interessents dessan s'annunzcher zieva la radunaunza tar Marco Cramerì.

Oter tirs

- Viamala-Schiessen, Thusis
- Nulez-Schiessen, Bonaduz
- Gruppenschiessen Surcuolm, Rona

Implaunt da tir Suotarivas

Da mardi, ils 31 meg fin il lündeschdi, ils 6 gün tira il militer a Zuoz. Ils temps da tir sun ils seguaints:

mardi, 31 meg	bunura
marculdi, 1. gün	zievamezdi
gövgia, 2 gün	tuotta di
venderdi, 3 gün	zievamezdi
lündeschdi, 6 gün	tuotta di

Implaunt da tir a S-chanf

Ils 23 meg haun ils delegios la prossma tschanteda culs respunsabels.

Marco ingrazcha a tuots per la cumparsa e serra la radunaunza a las 21.30.